

आकाशवाणी

खबरां ----

1 प्रधानमंत्री नरेंद्र मोदी होरें जलगांव महाराष्ट्र च इक समारोह च 11 लकख नमीं लखपति दीदीएं गी प्रमाण पत्र भेंट कीते।

2 प्रधानमंत्री होरें आकाशवाणी पर “मन की बात” कार्यक्रम च अपने विचार लोके कन्नै सांझे कीते। उनें अंतरिक्ष आले सेक्टर च उपलब्धिएं दी सराहना कीती।

3 श्री कृष्ण जन्माष्टमी पर राष्ट्रपति द्रौपदी मुर्मू, उपराष्ट्रपति जगदीप धनखड़ ते होरनें गी शुभकामनां दितियां न।

4 केंद्रीय मंत्री चिराग पासवान होर परतियै 5 साल लेई लोक जनशक्ति पार्टी (रामन विलास) दे अध्यक्ष चुने गेन।

5 खेड्ढ मंत्री डॉक्टर मनसुख मांणविया होरें पेरिस ओलंपिक्स च खेण जा'रदे भारतीय एथलीटें दा उत्साह बदाने दी देशवासिं गी अपील कीती ऐ।

PM-Lakhpati Didi

प्रधानमंत्री नरेंद्र मोदी होरें जलगांव महाराष्ट्र च अज्ज इक्क समारोह च 11 लक्ख नमीं लखपति दीदीएं च प्रमाण पत्र बंडो। प्रधानमंत्री होरें लखपति दीदीएं गी सम्मानित कीता ते उंदे कारोबार बारें उंदे नै गल्लबात कीती। प्रधानमंत्री होरें इस मौके पर जनसभा गी संबोधित करदे होई आखेआ जे भारत दी महिला शक्ति नै सदा समाज दे भविकखै दे निर्माण ते राष्ट्र निर्माण च योगदान दिता ऐ। उनें आखेआ जे उंदी सरकारें महिलाएं लेई ओह सब्बे खेतर खोली दिते न जेड़े पैहले महिलाएं लेई बंद हे।

<><><><><><>

PM-MKB

प्रधानमंत्री नरेंद्र मोदी होरें आखेआ ऐ जे मुख्यै दे नौजवानें गी अंतरिम क्षेत्र च होए दे सुधारें कन्नै बड़ा मता फायदा पुज्जा ऐ। प्रधानमंत्री होरें अज्ज आकाशवाणी दे अपने “मन की बात” प्रोग्राम च राष्ट्र गी संबोधित करदे होई आखेआ जे मुख्यै च बड़ा किश होआ करदा ऐ जेदे कन्नै इक्क विकसित भारत दी नीह निगगर होआ करदी ऐ। उनें आखेआ जे इस महीने दी 23 तरीक गी देश दे लोकें चंद्रयान-3 दी कामयाबी च राष्ट्रीय अंतरिक्ष ध्याड़ा मनाया। उनें

आखेआ जे पिछले बरे इस ध्याड़े चंद्रयान-3 नै चन्नै दे दक्खणी हिस्से च शिव शक्ति केंद्र पर कामयाब लैंपिंग कीती ही। उन्नै आखेआ जे भारत दुनिया दा पैहला मुख्य बनी गेआ ऐ जिन्नै एह उपलब्धि हासल कीती ऐ। प्रधानमंत्री होरें 'हर घर तिरंगा' अभियान बारै बोलदे होई आखेआ जे जम्मू-कश्मीर दे रियासी जिले च दुनिया दे सब्बनै कोलां लम्में चिनाव रेलवे पुल पर 750 मीटर लम्मा राश्ट्रीय झंझा फैहराया गेआ। मोदी होरें आखेआ जे जिन्ने बी एह तस्वीरां दिक्खियां उसी गर्व मसूस होआ। प्रधानमंत्री होरें लोकें गी आखेआ जे ओह बरखा दे पानी दी सांभ-सम्भाल सरबन्धी 'कैच दा रेन' अभियान ते 'एक पेड़ मां के नाम' अभियान च हिस्सा लैन। प्रधानमंत्री होरें 'मन की बात' प्रोग्राम च तंदरूस्ती बारै बी गल्लबात कीती ते जीवन च एहदे महत्वै दा जिक्र कीता। मोदी होरें आखेआ जे पेरिस च किश दिनें च गै पैरा ओलंपिक खेड्ढां शुरू होने आहिलियां न ते 140 करोड़ भारतीय देश दे खेड्ढारियें ते एथलीटें दी हौसलाफजाई करा करदे न। मोदी होरें लोकें गी औंदे जन्माष्टमी, गणेश चतुर्थी, ओनम तयार दियां ममारखां दिदित्यां।

<><><><><><>

Jitendra-US Meet

केंद्री मंत्री ाक्टर जतिंद्र सिंह होरें नमीं दिल्ली च अमरीका-भारत नागरिक परमाणु बपार बारै इक दपक्खी बैठक दी प्रधानता कीती। विज्ञान ते टेक्नोलाजी मंत्रालय नै आखेआ ऐ जे बैठक च विज्ञान, टेक्नोलाजी ते स्वच्छ उर्जा सने महत्वपूर्ण खेतरें च दौनें मुख्यें बशकार बधदे सैहयोग पर लो पाई गेई। बैठक दरान ाक्टर सिंह होरें ऐलान कीता जे गगनयान मिशन थमां इक भारती अंतरिक्ष जातरी, अंतराष्ट्री अंतरिक्ष स्टेशन च शामिल होने लेई तैयार ऐ ते एह भारत ते अमरीका बशकार अंतरिक्ष सैहयोग च इक महत्वपूर्ण मील दा पत्थर ऐ। उनें कुल संसारी सतह दिएं आपूर्ति श्रृंखलाएं गी सुरक्षित बनाने च इक सांझ-भ्याली दे महत्व पर जोर दिता। एहदे च खासतौर पर समीकंाक्टर, फार्मा ते स्वच्छ उर्जा तकनीकें ज्नेय खेतर शामिल न। इस उच्च स्तरीय अमरीकी ेलीगेशन दी अगुवाई अंतरराष्ट्री जलवायु नीति लेई अमरीकी राष्ट्रपति हुंदे वरिष्ठ सलाहकार जॉन पोोस्टा ते अमरीकी उर्जा विभाग दे उप-सचिव ेविा तुर्क होरें कीती। दौनें मुख्यें आस्सेया अर्थिक विकास, राष्ट्री सुरक्षा ते तकनीकी प्रगति च कुल संसारी सतह दे नेतृत्व गी बधाने च आपसी हितें दे कन्ने उभरदी

तकनीकें च अपने सैहयोग गी होर तगड़ा बनाने दी बचनबद्धता दे
कन्नै एह बैठक सम्पन्न होई गई।

<><><><><><>

Prez. Janamashtmi

राष्ट्रपति द्रौपदी मुर्मू होरें श्री कृष्ण जन्माष्टमी दी पूर्व संध्या पर
देश विदेश च रवा'रदे लोकें गी बधाई दिती ऐ। अपने संदेश च उनें
आखेआ जे एह आनंद दा उत्सव ऐ जेड़ा असेंगी भगवान श्री कृष्ण
हुंदे आध्यात्मिक आदर्शें गी समर्पित होने लेई प्रेरणा दिंदा ऐ।
राष्ट्रपति होरें भगवान श्री कृष्ण ते अर्जुन बशकार संवाद जेहड़े[□] श्री
मदभागवत गीता च दर्ज न, उनेंगी पूरी मनुक्खता दी जागृति ते
भलाई बेहतरी दा इक शाश्वत स्रोत दस्सेया। उनें हर कुसै गी
भगवान श्री कृष्ण हुंदे आदर्शें दा पालन करने ते देश दी खुशहाली ते
तरक्की लेई कम्म करने दा आह्वान कीता।

<><><><><><>

VP Janamashtmi

श्री कृष्ण जन्माष्टमी दी पूर्व संध्या पर उपराष्ट्रपति जगदीप धनखड़
होरें देशवासिएं गी शुभकामनां दितियां न। इक संदेश च उनें आखेआ
जे जम्माष्टमी इक पूंगे आध्यात्मिक महत्व आला दिन ऐ जेड़ा

भगवान श्री कृष्ण हुंदे जन्म दिन पर मनाया जंदा ऐ ते एह दिन पवित्र त्यौहार आध्यात्मिक प्रेम, सच्चाई ते बुद्धिमता गी दर्शादा ऐ। उपराष्ट्रपति होरें आखेआ जे जन्माष्टमी दा त्यौहार धर्म दे रस्ते पर चलने, बुराई पर अच्छाई दी जित दा प्रतीक ऐ।

<><><><><><>

Krishna-Janamashtmi

श्री कृष्ण जन्माष्टमी दे पर्व दे मददेनजर पूरे जम्मू संभाग च मंदरें गी शैल सनाखड़े ढंगै नै सजाया गेदा ऐ। केईं थाहरें पर खास पंाल लाए गेदे न जित्थे कल बङ्गलै मुंह-न्हरे थमां लेइयै अद्दी रातीं तगर सत्संग ते विशेष प्रार्थना कीतिआं जांगन। एहदे शा पैहले धर्मार्थ ट्रस्ट आस्सेया कल जम्मू शैहरा च इक शानदार शोभा यात्रा बी कङ्गी गेई जेड़ी रघुनाथ मंदर थमां शुरू होई ते जम्मू शैहरा दे बकख-बकख बजारें चा लंगने परेंत रघुनाथ मंदर पुज्जियै सम्पन्न होई। खरी मती गिनतरी च श्रद्धालुएं इस शोभा जातरा च हिस्सा लैता। केईं बजार संगठनें ते मुस्लिम समुदाय दे लोकें बी जातरा दा बधी-चढ़ियै सोआगत कीता। प्रधासन नै इस शोभा यात्रा लेई लोड़चदे सब्बै प्रबंध कीते दे हे।

<><><><><><>

Jammu-AIIMS

कुल भारतीय आयुर्विज्ञान संस्था एम्स जम्मू च इक बड़े मते आधुनिक महत्वै आहले ढांचे दी शुरूआत कीती गई ऐ। एम्स जम्मू दे Surgical Gastroenterology विभाग च Endoscopic procedure unit दी शुरूआत कीती गई ऐ। एहदा मकसद इलाके च विश्व स्तरै दी सेहत सरंधी सेवा उपलब्ध कराना ऐ। एम्स दे प्रवक्ता होरें अज्ज आखेआ जे एह अज्जै-कल्लै दी तकनीक कन्नै लैस ऐ। एहदे कन्नै मरीज दी दिक्खभाल च बेहतरी औग ते इलाज मुतक्कल खरे नतीजे सामने आंगन। एम्स जम्मू दे मुख कार्यकारी अधिकारी प्रोफेसर शक्ति कुमार गुप्ता होरें आखेआ जे एह पैहलकदमी एम्स जम्मू दी स्थाढ़ी टीम दी मेहनत ते साथ सैहयोग दी भावना दा सबूत ऐ।

<><><><><><>

Politics-J&K

भारती चुनां कमीशन आस्सेया जम्म-कश्मीर च विधानसभा चुनाएं दी घोषणा करने मगरा इत्थै सियासी गतिविधियां तेज होई गेइयां न। 18 सितंबर गी पैहले गेड़ दा मतदान होना ऐ। इस चरणै च

दक्खन कश्मीर दियें 16 सीटें ते जम्मू संभाग दे 8 असेंबली हल्कें च वोट पाए जाने न। नामांकन पर्चे दाखल करने दी खीरी तरीक 29 अगस्त ऐ, उवां हल्ले तोड़ी कुसै बी बङ्गी पार्टी नै अपने मेदवारें दी सूची दी घोषणा नेई कीती ऐ।

<><><><><><>

CBI-Bengal

पच्छम बंगाल च सीबीआई नै आर. जी कर मेडिकल कालेज अस्पताल मामले च जांच करदे होई अज्ज बङ्गलै कोलकाता च 15 थाहरें तलाशी लैती। सीबीआई दी इक टीम मेडिकल कालेज दे साबका प्रिंसीपल डॉक्टर संदीप घोष दे घरै दी जांच करा'रदी ऐ। इक होर टीम कालेज दे नमें प्रिंसीपल ते वाइस प्रिंसीपल थमां बी पुच्छ-गिच्छ करा'रदी ऐ। एहदे अलावा अस्पताल दे साबका डॉक्टर देबाशीष सोम, वाइस प्रिंसीपल डॉक्टर संजय वरिष्ठ ते मेडिकल सप्लायर बीरपाल सिंह हुंदे थमां पुच्छ गिच्छ कीती जा'रदी ऐ।

<><><><><><>

NC-Congress

जम्मू-कश्मीर च असेम्बली दे चुनाएं लेई कांग्रेस ते नेशनल कांफ्रेंस दे गठबंधन गी लेइयै यक्कोतक्की आहले हालात बने दे न। प्रदेश कांग्रेस दे नेताएं कल पार्टी दी चुनां स्क्रीनिंग कमेटी गी सब्बनें 90 असेम्बली हलकें लेई मेदवारें दी सूची सौंपी ऐ। कांग्रेस पार्टी दी चुनां स्क्रीनिंग कमेटी दी प्रदेश कांग्रेस दे मुकामी नेताएं कन्नै बैठक बी लग्गी ऐ। बैठक दी प्रधानता कांग्रेस पार्टी दे जम्मू-कश्मीर लेई चुनां प्रभारी सुखजिंदर सिंह रन्धावा होरें कीती ते प्रदेश कांग्रेस कमेटी दे प्रधान तारिक हमीद करी होरें बी एहदे च हिस्सा लैता। पार्टी दे इक नेता नै दस्सेआ ऐ जे किश नेताएं सीटें दी बंड् गी लेइयै अपनी चैंता जाह कीती ते कन्नै गठबंधन दे प्रति नेशनल कांफ्रेंस दी ईमानदारी पर बी सोआल पुट्टे। इस मौके एह फैसला बी लैता गेआ हा जे ँमोक्रेटिक प्रोग्रेसिव आजाद पार्टी थमां कुसै बी नेता गी कांग्रेस च नेईं औन दिता जाहग। तोआईं नेशनल कांफ्रेंस दे प्रधान ाक्टर फारूक अब्दुल्ला होरें पार्टी दे सीनियर नेताएं दी इक बैठक लाइयै केईं सारे मामलें पर चर्चा कीती। इंदे च कांग्रेस पार्टी कन्नै सीटें दी बंड् आहला मसला बी शामिल हा। पार्टी दे केईं नेता सीटें दी बंड् आहली बवस्था गी लेइयै

खुश नेईं हैन कीजे उंदा मन्नना ऐ जे एहदे कन्नै किश हलकें च पार्टी दे हितें गी नुक्सान पुज्जी सकदा ऐ।

<><><><><><>

Chirag-Paswan

केंद्री मंत्री चिराग पासवान होर परतिये 5 साल आस्ते लोक जनशक्ति पार्टी दे अध्यक्ष चुने गेन। एह फैसला रांची च पार्टी दी राष्ट्रीय कार्यकारिणी च सर्वसम्मति कन्नै लैता गेआ। चिराग पासवान होरें आखेआ जे हरियाणा, जम्मू-कश्मीर ते झारखंड च होने आले विधानसभा चुनाव पर बी बैठका च चर्चा कीती गई। उनें आखेआ जे झारखंड च उंदी पार्टी बीजेपी कन्नै रलिए या इक्कले चुनाव लड़ी सकदी ऐ।

<><><><><><>

Mandaviya

खेड़ मंत्री डॉक्टर मनसुख मांणविया होरें पेरिस ओलंपिक्स च हिस्सा लैन जा रदे देश दे एथलीटें दा उत्साह बदाने आस्तै सब्बन देशवासिएं गी अपील कीती ऐ। एह खपारी इस महीने दी 28 तरीक गी रवाना होंगन। डॉक्टर मांणविया होरें अपने इक सोशल मीडिया पोस्ट च आखेआ जे 84 एथलीटें पर आधारित, भारत दा एह हुनै तोड़ी दा

सबबनें शा बड़्ठा दल ऐ जेड़ा पैरालंपिक्स च खेग। उनें Cheer for Bharat दे नारे कन्ने खारिएं दा उत्साह बदाने लेई आखेआ।

<><><><><><>

Sports Minister

युवा मामलें ते खेड्ढ मंत्री ाक्टर मनसुख मांविआ होरें लोकें गी गुजारश कीती ऐ जे ओह इस महीने दी 29 तरीक गी राश्ट्री खेड्ढ दिवस दे मौके पर घट्टोधट्ट 1 घेंटे लेई बाहर खुल्ले मैदान च खेड्ढी जाने आहली कुसै बी खेड्ढ च पक्क गै हिस्सा लैन। सोशल मीडिया पर जारी इक वीडियो संदेश च ाक्अर मांविआ होरें आखेआ जे लोकें दी शमूलियत गै फिट इंडिया अभियान गी अगगे बदाग। उनें इब्बी आखेआ जे खेलेगा इंडिया तभी तो आगे खिलेया इंडिया गी लेइयै प्रधानमंत्री नरेंद्र मोदी हुंदा नजरिया खेड्ढें दे प्रति राश्ट्र दा मार्गदर्शन करोग।

<><><><><><>

Telangana-CM

तेलंगाना दे मुखमंत्री रेवंथ रेड्डी होरें आखेआ ऐ जे उंदी सकार अगले शिक्षा सत्र च इक स्पोर्ट्स यूनिवर्सिटी कायम करोग जेदा मक्सद ओलंपिक मेडल जिती सकने आले खारी तैयार करना होग। उनें आखेआ जे एथलीट्स गी सिखलाई देने आस्तै अंतरराश्ट्रीय कोच

नियुक्त कीते जांगन। मुख्यमंत्री होर अज्ज हैदराबाद दे गांछीबावली स्टेडियम च एन.एम.पी.सी हैदराबाद मैराथन दे समापन समारोह च बोला रदे हे। उनें आखेआ जे दक्खनी कोरिया दे हाल दे दौरे दौरान उनें साउथ कोरिया स्पोर्ट्स यूनिवर्सिटी कन्ने इक समझौता इस सरबंघे च कीता ऐ।

<><><><><><>

Badminton

बैडमिंटन च भारत दी तन्वी पात्री नै अंर-15 गर्ल्ज सिंगल्स दा खिताब जिती लैता ऐ। चीन च चला रदी एशियाई अंर-17 ते अंर 15 जूनियर चैंपियनशिप च तन्वी नै दुई वरीयता आली वियतनाम दी Ngnijen Thi thu Huygen गी फाइनल च हराया। सेमीफाइनल च उन्ने थाईलैंड दी 6मीं वरीयता प्राप्त खारन गी हराया हा। तोआई, अंर-17 बायस सिंगल्स च ज्ञान दत्त गी इंडोनेशिया दे खारी राशिया वायू बरधाना थमां हारिए कैंस दे तगमें पर गै संदोख करना पेया।

<><><><><><>

Telangana-CM

तेलंगाना दे मुख्यमंत्री रेवंथ रेड्डी होरें आखेआ ऐ जे उंदी सरकार अगले शिक्षा सत्र च इक स्पोर्ट्स यूनिवर्सिटी कायम करोग जेदा

मकसद ओलंपिक मेॊल जिती सकने आले खॊारी तैयार करना होग।
उनें आखेआ जे एथलीट्स गी सिखलाई देने आस्तै अंतरराश्ट्रीय कोच
नियुक्त कीते जांगन। मुखमंत्री होर अज्ज हैदराबाद दे गांछीबावली
स्टेॊियम च एमएमॊसी हैदराबाद मैराथन दे समापन समारोह च
बोला रदे हे। उनें आखेआ जे दक्खनी कोरिया दे हाल दे दौरे दौरान
उनें साउथ कोरिया स्पोर्ट्स यूनिवर्सिटी कन्ने इक समझौता इस
सरबंधे च कीता ऐ।

<><><><><><>